

欽定剿平粵匪方略

欽定勦平粵匪方略卷二百十七 己未年

四月初一日 辛丑 勝保翁同書奏言霍山之賊關

八六安臣等飛飭副將閻丕敏一軍迅自潁郡  
移紮正陽堵遏要隘一面紮調霍邱縣練總守  
備趙春和等號召鄉團由知州茅念劬率領進  
攻並令已革副將盧又熊等整集兵勇於隱賢  
集三覺寺一帶扼要分紮合力堵勦賊會黃姓

擁衆萬人悉力死守三月十五日兵勇直薄六安城外十九日我軍順河岸直上該逆亦大隊迎拒鏖戰三時之久該逆抵死不退我軍用劈山大礮向城根轟擊逆勢漸卻我軍同時渡河茅念劬同趙春和盧又熊等分由東西兩面一齊衝殺斃匪三四百名立將附城賊卡十餘處並關廂木柵一律踏毀逆衆入城死踞城上開

槍抵拒各軍乘夜環攻遽擁而上茅念劬趙春和等帶勇由便儲門首先登城盧又熊等繼之逆衆勢不能支紛紛向南門奔竄我軍乘勢掩殺斃賊無算奪獲偽印黃旗刀矛器械一千數百件餘賊盡向舒城霍山兩路竄逸追殺三十餘里又經連城等處圩勇截殺殆盡當於是日克復州城是役以義勇鄉團協助官軍之力痛

殲醜類立復堅城洵足以挫兇鋒而寒賊膽查  
該州爲皖西門戶界連楚豫之交關繫北竄衝  
要此次突被竄陷幸收功尙速未致日久蔓延  
惟霍舒踞匪現尙稽誅西南防務不可一日鬆  
勁現今該知州茅念劬率領地方文武紳練在  
城妥爲布置認真守禦並留盧又熊一軍協防  
以厚兵力該州知州茅念劬於失守城池後旋

卽督練會合官軍一鼓而克功過尙足相抵應  
請

旨將該員革職留任處分准予開復守備趙春和等均  
請給予獎勵其餘在事出力員弁紳練人等可  
否查明擇尤保獎奏入

上諭內閣曰逆賊闖入六安後悉力踞守並圖旁竄經  
勝保等派兵調練前往攻勦當將州城收復六安直

隸州知州茅念劬前經降旨革職暫留署任著開復  
原官並免繳捐復銀兩練總守備趙春和著以都司  
留於安徽卽行補用州同姚有志王道全均著賞加  
五品銜並賞戴藍翎從九品銜趙德蘊著以縣丞不  
論雙單月選用其餘出力員弁紳練人等著勝保翁  
同書查明保奏已革副將盧又熊等隨同克復州城  
並准其彙案酌保

初二日

壬寅

駱秉章奏言逆首石達開大股自廣

陷興甯宜章後先後闖入郴州桂陽兩城銳意  
攻常甯耒陽窺伺衡州主簿魏喻義帶勇千名  
馳至陽武坪與管帶桂勇之員外郎陳士杰扼  
桂陽州小河遏賊竄常甯之路彼此互爲聲援  
大小數戰無戰不捷奪賊船筏數十礮械數百  
擒斬長髮悍賊千名解散脅從無數賊度常甯



不可犯遂紆道陷嘉禾分股犯新田署知縣袁榮渭與在籍知府張榮組等登陴固守轟斃執旗賊目數名餘匪一百餘名乘其疲乏開城出擊復斃賊數百名生擒賊目胡英輜等七名賊眾紛紛逃竄城中兵勇會合鄉團躡蹤追勦又斃賊數百賊遂分股至臨武署知縣王承順等督兵勇紳民固守城池分遣練勇會同團紳設

伏攻勦殲二千餘名餘賊遁回嘉禾其大股  
竄入甯遠者署知縣雷壽南防守嚴密賊不敢  
近臣於此賊竄入湖南之時以賊在郴桂則茶  
陵安仁之龍海塘江口洲爲衡湘要隘當派遣  
員劉坤一統兵駐紮進勦而師船嚴扼湘江俾  
賊不能偷渡以窺衡州及大股均竄桂陽嘉禾  
知其必將繞竄永州祁陽以取上游之勢時道

員劉長佑知府江忠義方在新甯本籍選募楚勇臣密飭其成軍後卽由新甯取道東安祁陽赴衡並密調副將余星元參將楊恆升等兩營由江華取道永祁赴衡皆諭以中途出賊不意遇賊卽勦一面飭參將侯光裕署祁陽縣知縣劉達善募勇嚴守城垣三月初二日劉長佑所部全祁陽賊聞祁陽有備則疾趨永州劉長佑

甫到祁陽卽飭江忠義等率楚勇赴永州而自  
率所部繼進三月初四日楚勇前隊抵永則賊  
已先到數時環布城外矣護永州鎮總兵侯光  
裕與知府楊翰零陵縣知縣施濟等悉力固守  
轟斃悍賊多名初六日劉長佑率親兵及江忠  
義知縣席寶田等分扼要隘李明惠由鳳凰嶺  
直搗千子地一帶賊巢遊擊江忠朝等張左右

兩翼護之李明惠率勇衝入賊衆十餘起零星  
搦戰而林木閒旗幟時隱時現忽張兩翼突出  
李明惠躍馬衝陣李榮忠劉通周分左右迎擊  
殪其先鋒悍賊數名賊稍卻江忠朝等揮左右  
翼抄擊劉長佑江忠義見我軍合戰甚急乃揮  
營總陳希祥等由中路衝出李明惠追賊至千  
子地槍斃黃衣賊目數名江忠朝督隊由街右

追至賊已出巢鼠竄斃賊不過數百名而賊之  
悍者多殫連踏賊巢五處府城與援軍聲息始  
通是夜劉長佑江忠義選勁卒入城助守初七  
日劉長佑江忠義李明惠楊恆升於城外十里  
地方相度營壘初八日進紮煙竹鋪賊皆伏匿  
不動意待賊援糧至圍攻北路官營也是日副  
將余星元參將楊恆升馳至駐營柳子廟初九

日卯刻劉長佑率江忠義等分路進剿余星元  
楊恆升率部渡湘亦分三路由西而北賊不意  
官軍猝至駭懼不知所措官軍兩路衝殺城中  
亦派隊助勦都司李金鳴適自甯遠回援四而  
夾擊連焚賊營九座賊巢十餘處重圍立解是  
役統計斃賊六七千並殲斃僞大軍略蕭華卽  
蕭發勝蕭篙卽蕭篙鱗一名生擒五百餘名其

另股賊以官軍悉集永州意祁陽之備必虛將  
由祁陽竄衡州寶慶臣前飭祁陽紳士同知段  
瑩器募勇七百在縣城訓練飭副將何紹彩速  
集舊部千名赴祁聽調嗣劉長佑赴永剿賊臣  
調知府王勳率湘勇二千劉坤一帶勇二千並  
遊擊黃三清所部祁勇六百同赴祁陽與永州  
大軍會師討賊又調道員趙煥聯帶所部馳赴



龍海塘並統領各營以一事權飭浙江副將王  
明山統師船由衡州駛赴祁陽截賊偷渡湘江  
之路時委辦團防知府馮崑方行抵祁陽臣卽  
飭其督同署知縣劉達善籌辦防勦十三日賊  
悉衆至縣城下游十餘里觀音灘地方馮崑劉  
達善飭段瑩器何紹彩所部各勇馳赴觀音灘  
對岸扼紮賊旋卻退何紹彩等渡湘進勦見賊

編後偷渡急起擊之殺賊數十忽伏賊四出包抄官軍余星元楊恆升余斌元三營自賊後馳至賊衆大駭余星元等分路縱擊斃賊數百賊奔敗官軍遂收隊渡湘入城是夜賊從觀音灘下掠船架後偷過對岸時王勳所部馳至卽會同余星元等出隊迎擊共約斃賊千餘名奪獲羸馬近四百匹陣斬賊目僞將軍汪侗喜等多

名生擒二百餘名兇鋒大挫臣維此賊自竄入楚境旬日之間壘陷各州縣城池剽悍捷速勢極狡猾縱有現兵數萬分途馳勦衆寡懸殊斷難決勝一或偶挫則大局不堪設想不得已以全力專注永祁迎頭截勦冀得稍遏兇鋒幸賴皇上天威將士用命連獲大捷人心稍安官文所派援湘水師知府蕭翰慶一營楊載福所派總兵王

明山一營陳金鼇一營均派赴衡州以重上游之勢馬隊一百九十四匹疊經督臣札催起程約本月底可到臣亦派弁迎護矣惟臣前奏調

援江之道員蕭啟江一軍尙未接據入楚稟報援黔之副將田興恕一軍計期已抵楚界臣飭其由武岡赴寶慶聽候調遣俟此兩軍到後則衡州慶寶兵力始敷派撥據獲賊供稱石逆決

意由湘竄鄂赴皖與陳玉城李兆受合殺又各營獲賊訊供均言賊欲由湖南分犯鄂蜀臣已飛咨湖北四川督撫豫爲戒備臣一面竭力籌辦務遏賊衝不稍鬆勁所有此次最爲出力之將領及帶勇紳士仰懇

皇上天恩量加鼓勵以昭激勸奏入

上諭內閣曰逆賊自入楚境疊陷城池經此次將士用

命大挫兇鋒辦理尙爲得手自應量加獎勵以昭激勸布政使銜江西記名道劉長佑著免補道員遇有按察使缺出由軍機處提奏知府江忠義著以道員歸部卽選湖南補用副將余星元著賞加總兵銜參將楊恆升著以副將升用先換頂戴選用主簿魏喻義著以知縣歸部選用並賞加同知銜戶部員外郎陳士杰著以知府歸部不論雙單月遇缺卽選參將

李勳朝著以副將留於湖南遇缺卽補都司李金暘  
著賞加遊擊銜並賞戴花翎所有出力文武員弁官  
紳著該撫查明據實保奏候朕施恩此次失事之署  
郴州知州胡鏞署桂陽州知州張濟遠均著卽行革  
職倘有畏葸逃避情事並著從嚴叅辦

初六日

丙午

會國藩奏言前因蕭啟江張運蘭兩

軍相距太遠老營空虛又有進規皖南之議遂

添募南勇三千五百餘人均經陸續成軍現皆  
隨臣駐紮撫州親加教練目下賊抵湖南蔓延  
郴桂蕭啟江一軍已由吉安馳抵茶陵一帶江  
省吉袁各屬壤地毗連均須嚴防回竄是南路  
之賊情較北路之景鎮其喫緊正復相等一俟  
湖南賊勢稍鬆卽當調派各營協攻景德鎮再  
自婺源賊竄陷建德後彭湖均甚喫重臣已派



候選知府屈蟠帶領平江老中營千人自撫州  
馳赴湖口協防奏入報

同日通政使司通政使張芾奏言逆匪麇聚建  
德之東門徐村守備張泰忠帶隊往襲賊營署  
建德縣沈昌祚督同把總張連芳等帶領勇團  
亦由金村出哨遇賊接戰俘斬頗衆賊之前隊

竄往東流縣雙溪鎮後隊仍踞建城及堯渡地方並分股肆掠丁香樹一帶江長貴派守備馬朝選等前往履勘形勢令副將王夢麟遊擊袁國祥都司程永年各率兵勇前進適九江鎮總兵普承堯已由彭澤駐軍青山橋撥兵分路夾攻連破賊壘三月初二日普承堯令所部分路誘賊戰於河干踏毀城西二營維時丁香樹之

賊翼襲我軍後路王夢麟派張連芳帶勇乘夜  
往攻復派守備謝永發等繞至村後縱火張連  
芳直搗中堅謝永發等引軍繼進逆眾潰逃撲  
火死者枕藉殿後悍賊猶思困鬪各軍返戈截  
殺賊向殷家匯遁去王夢麟復約同普承堯會  
攻城卡各賊壘擊斃悍賊極多破賊三營李濟  
元亦帶勇前往助陣均有斬獲是日之戰腹背

交攻殺賊約以千計現在楊載福水軍既不果  
來提督鄭魁士能否分兵亦難臆計惟普承堯  
越境會攻深資得力可否請

旨飭下者齡卽令普承堯暫留建德會勦俟建德浮梁  
一律肅清隨時酌量咨撤似於江皖兩省門戶  
均有裨益奏入

上命軍機大臣傳諭張芾者齡曰逆匪屬聚建德並分

殷肆掠丁香樹一帶經副將王夢麟等帶兵往剿適  
普承堯駐軍青山橋撥兵分路夾攻連破賊營斃賊  
約以千計勦辦甚爲得手現在普承堯一軍越境會  
攻深資得力著耆齡卽飭該總兵暫留建德會勦俟  
該處並浮梁一律肅清再行調回九江並著張芾先  
行就近知照該總兵遵旨辦理

張芾又奏言江西浮梁縣景德鎮地方與皖南

之婺源祁門建德等縣處處接壤自賊擾建德  
江長貴分兵馳援深慮大股圖犯祁境抄襲官  
軍後路正在布置內防尙未親往建德乃逆情  
狡譎果於三月初六日突分數千人直撲祁門  
之倒湖進踞瀘溪轉掠鱗口復折而西竄奇嶺  
村瀆口一帶經江長貴飭副將余永椿等各帶  
隊伍迎頭截勦遇賊於相桐嶺我軍合圍痛擊

賊勢稍卻適署祁門縣林用光踵至參將陳培  
基等督率團勇來會賊衆紛潰兵團乘勝逐出  
倒嶺祁境獲安臣維景德鎮之賊非逃出建德  
則不能外竄建德之賊非遁入安池則無所歸  
宿是必先清景德次復建德庶免旁擾現在鎮  
賊日久負隅建賊伏巢不出徽屬邊圉近徧寇  
氛仍不敢恃爲完固已檄令江長貴移紮祁門

調度諸軍藉資援應奏入報

初八日戊申會國藩奏言正月二十八日張運蘭

等約會各營進攻景德鎮道員王文瑞出黃泥  
嶺堵禦浮梁援賊張運蘭率兵分三路進並泥  
團勇分守要隘以爲接應已刻抵鎮過河燒燬  
望樓二座賊黨分支出撲各軍亦分途迎擊轟



斃百餘名其時浮梁援賊復經王文瑞等擊退  
忽另股悍賊萬餘從栗樹山後面橫截歸路馬  
隊尤多我軍苦戰之後忽遇新賊路隘不能施  
展雖更番奮擊殺賊三百餘名而老湘副湘等  
營亦陣亡二百數十人遊擊喻福慶等力竭陣  
亡幫辦王開琳等因歸途壅遏遂繞道從湘湖  
街回營臣飭張運蘭等少爲休息堅守隘口自

後賊亦伏巢不出二月二十四日賊見湖角嶺  
要隘祇紮祥字一營遂出隊陽攻各隘牽掣官  
軍而以馬步隊萬餘直撲祥字營守備劉勝祥  
竭力堅守張運蘭飛飭遊擊朱紹輝等馳往救  
應另派遊擊楊虎臣等截勦湘湖街援賊王文  
祥及平江前營彭大壽等均出隊援勦其時吉  
左營都司朱寬義等已從牛角嶺抄擊賊後樂

平團勇亦至當殪大旗賊目二名先鋒悍賊十  
餘名逆燄頓挫劉勝祥見援兵齊到卽出營奮  
擊陣斬僞官六名殺斃羸斃二百餘名該逆棄  
械狂奔自此軍威仍振三月十三日張運蘭等  
遂分三路出隊進攻行近景鎮將望臺焚燬伏  
賊四起張廣勝及遊擊劉松山等迎擊大路之  
賊楊虎臣截擊浮梁援賊同知劉生璠前往策

應陳品南朱紹輝等搜截栗樹山伏賊計共斃  
賊百餘名陣斬賊目二名日暮收隊十六日夜  
鎮賊忽執炬北行偽作宵遁之勢旋即折回埋  
伏張運蘭王文瑞嚴陣以待祥字營直入街口  
伏賊盡起酣戰逾時千總易執圭戰沒張運蘭  
等整隊接應賊雖數倍亦不敢偪未刻大雨遂  
各收隊臣查鎮賊狡悍而多地勢散漫張運蘭

等營分紮要路延袤二三十里距劉于涪饒  
防各軍較遠中隔一江兩難救應楚軍抵鎮後  
損折六百餘人衆寡懸殊難遽得手南安克復  
後本擬調蕭啟江一軍從浮梁夾擊又因郴桂  
告陷回援湖南目下情形止須扼要嚴防觀隙  
而動遊擊喻福慶都司易福陞等五十二員名  
力戰捐軀深堪憫惻謹另繕清單額懇

天恩俯准各照本職從優

賜卹以慰忠魂奏入得

旨諭福慶等均照所議辦理

初九日

己酉

和春奏言三月十五日江浦東面賊

巢潛出一股撲我中路營盤經總兵熊天喜督  
隊擊退是夜賊於中路沙洲偷築逆壘一座緊  
躡我營之背一面糾率大股撲犯張國樑當派

總兵李若珠馮子材各帶所部馳往援剿親率副將韋明堂等管帶馬步小隊力擣中堅時逆眾分爲數股將我中路截斷復由九洑洲擁出悍賊七八千前後拋抄以圖大逞張國樑指揮將士奮勇爭先都司何勝養等怒馬陷陣手刃逆酋數名各受槍礮重傷猶復裹創鏖戰眾軍從之莫不以一當百把總萬加才短兵擊刺斃

賊尤多力竭陣亡我軍四面馳突擡破排牆而  
進賊遂大潰正接仗間浦口逆股萬餘圍撲總  
兵周天培營壘該鎮揮兵突出斃賊不計其數  
餘皆鼠竄回巢共計斬取首級百餘顆因大雨  
收隊回營該逆復於浦口之西築壘欲截我師  
東西往來要衝張國樑飭周天培派兵攻奪仍  
督同李若珠等會擣中路逆巢十八日九里山



前後擁出大股約八九千我軍火器刀矛奮力  
擊刺接戰數時賊始披靡而遁負嵎死守張國  
樑挑派勁兵攻取要隘殺賊無算餘悉奪路而  
逸其浦口西面賊營亦經周天培同時攻奪斃  
賊約數百人官兵乘勢疾趨九洑洲大路噴筒  
火箭環射逆營計奪逆營三座搜獲槍械雜糧  
鉛藥甚多該逆疊經挫衄其技漸窮於是浦口

西北暨九洲等處逆營先後自行撤退而於  
浦口東南直抵九洲洲聯築長牆以通金陵接  
濟其江浦九里一帶逆匪連日深溝高壘匿不  
出巢張國樑因飭各營將士更番出擊該逆遂  
將浦口附近九里山營壘全行燬棄退紮二三  
十里之外二十五日我師跟蹤躡勦殲殪潰匪  
數百名近處賊壘一律踏平隨據探報此股悍

賊大半屯踞九里山後暨小店高旺石磧橋等處聯營搃險由西北以迄東南與浦口逆巢遙相犄角並有調回金陵及分竄皖江南北者張國樑當飭水師都司王嘉模等管駕艇船駛赴上游嚴行堵剿一面派總兵熊天喜統帶勁旅四千馳回金陵覘賊所向隨時策應並擬將中路營盤沿江搃紮與師船互相聯絡以臻穩固

惟東路逆氛均在浦口六合之交儘分道旁趨  
六合實爲可虞臣已函致官明阿會商總兵張  
玉良趕緊布置仍由臣相度緩急酌量應援斷  
不敢稍存大意陣亡之儘先把總萬加才應請  
飭部照例議卹奏入

上諭內閣曰江浦官軍連獲勝仗近處逆壘一律踏平  
賊勢已形窮蹙著和春張國樞督飭水陸將弁分路

堵剿無任蔓延其陣亡之儘先把總萬加才著交部  
照例議卹

和春又奏言據富明阿張玉良咨報三月二十  
八日六合城逆傾巢出撲富明阿等帶兵迎剿  
殲賊甚多始行退走我軍陣亡遊擊洪祿一員  
兵勇數十名援逆數萬麕集六合西門三十日  
糾合城賊由西北而至東北直犯官兵營壘富

明阿等會督馬步各軍分投迎擊斃賊無算詎  
逆匪愈集愈多由馬鞍山後分股襲我歸路丹  
有大股悍賊繞過河東圍截我營兵勇衆寡不  
敵富明阿張玉良均經受傷弁勇亦有傷亡現  
在激勵各營將弁堅守營盤萬分危急請撥兵  
援應前來臣前派總兵熊天喜帶兵勇四千餘  
名渡江助剿刻下逆裔狡猾又飛飭迅速前進

會督將弁力遏兇鋒以固儀揚大局並飛催江北糧臺迅撥火藥鉛彈俾資應用此次陣亡之遊擊洪祿一員應請

飭部從優議卹奏入

上命軍機大臣傳諭和春張國樑許乃釗富明阿曰逆燄臨張亟應厚集兵力以遏兇鋒和春現派兵勇四千交總兵熊天喜統帶渡江援剿著卽飭令前進如

兵力不敷仍當酌量調撥悉力堵剿該逆屬聚六合不獨儀揚一帶岌岌可虞且恐逆蹤東竄擾及天長盱眙窺伺清江富明阿務當激勵將弁會合江南援軍奮力擊勦迅克六合以扼要衝毋令該逆紛竄是爲至要

上諭內閣曰六合西路援賊紛至城中逆匪傾巢出撲經富明阿等帶兵迎剿殲賊甚多所有陣亡之遊擊



洪祿著交部從優議卹以慰忠魂

和春又奏言三月十五日長春圩賊匪下竄富  
明阿張玉良各率將弁馳往會剿逆衆分股出  
拒遊擊詹啟綸等分投截擊槍礮連環營總德  
珍慶春以馬隊分張兩翼從後兜抄賊皆披靡  
計斃逆二百餘名詹啟綸等督帶精銳相機進  
攻任家山賊壘該匪出巢迎撲並於牆內壘開

大礮我兵噴筒火箭射進賊營層啟綸斬關而  
入手殪悍匪多名餘皆蟻附畢登逆衆大潰追  
殺百餘名當將逆壘二座立時踏毀二十二日  
富明阿等督率官軍進攻盤城集西北兩門悍  
匪三四千分股席捲而來我軍左右迎勦鏖戰  
兩時許張玉良首先衝入賊陣馬德昭魁霖往  
來馳突手刃悍賊數名馬隊乘勢薄之賊衆自

相踐踏殲殪約數百名其西南援逆經詹啟綸  
等分途邀擊把總鄭啟貴直刺執旗黃衣賊目  
一名餘始驚竄追殺十餘里二十七日富明阿  
派遊擊詹啟綸等分爲左右翼親督官軍直擣  
盤城三面兜勦約兩時許逆勢不支富明阿率  
馬隊蹙其前張玉良率步隊擊其後該逆首尾  
受敵紛紛四散詹啟綸等首先奪壘壘殪站牆

逆目數名大軍四面殺入當將逆營六座焚燬  
無遺共計斃賊四五百名生擒僞將軍指揮等  
五十四名至瓜埠華子口等處業經富明阿札  
調儀徵縣礮船停泊瓜埠江口以資控搃一面  
抽撥隊伍前往躡看地勢擇要紮營頃接探報  
援逆數萬下竄陳家橋聲勢甚張距六合西門  
二十餘里意在乘虛下撲當飭總兵熊天喜帶

兵四千剋日馳往六合聽候富明阿等調遣以  
固全局奏入報

同日勝保翁同書奏言官軍攻克六安後霍山  
存賊止數千人三月十六七日臣等親帶勇練  
攻破西南兩門外匪卡斃匪數百名敗賊回城  
踞守十九日署知縣王自籛添調精壯團練數

千會合勇丁偏城而營適六安城賊分竄霍山  
經知州茅念劬等派撥得勝兵練分路跟蹤追  
殺斃賊無數擒斬賊酋黃英兆一名盧又熊等  
追至霍山北面王自輅隨勦隨進先行開礮仰  
攻立將守陴之賊全行擊退乘勢豎梯登城賊  
俱奪路向東門出竄兵勇一面入城一面追殺  
數十里殲斃賊匪數百名生擒百餘名卽於二

十日克復霍山縣城時舒城髮逆二三千人來  
援亦經我軍奮力截擊逆勢紛紛回竄殲斃千  
名查六安霍山爲竄犯楚豫要道旣經克復卽  
須繫以重兵方免再有疏失現在楚軍難以入  
皖而皖軍僅有此數四路分布尙屬不敷又值  
東路萬分喫緊僅能就六霍現有防兵力籌堵  
勦而不能另行抽撥增益新軍殊深焦急因思

前奉

諭旨飭令楚師撥防豫境原爲堵扼六霍竄賊起見今  
此二城旣克自應將此項楚師迅速移紮霍六  
一帶與皖軍聯絡聲勢同顧邊防似於大局有  
裨在事出力員弁兵練仰懇

天恩給予獎敘以昭激勸奏入

上命軍機大臣傳諭官文胡林翼曰前因恆福奏逆陷



六霍近徇商固聲言再擾麻城諭令官文等酌撥精  
兵派員會剿原以救援豫境卽以保固楚疆茲據勝  
保奏六安霍山相繼克復惟防兵單薄請飭將前項  
防豫之軍移紮霍六一帶等語霍六爲竄犯楚豫要  
道旣經克復卽須重兵扼守方免疏虞官文等前因  
賊擾湖南郴桂等處派兵往援未能深入皖境自係  
實在情形胡林翼駐紮黃州多隆阿爲前敵如現在

布置已臻周妥亦可酌量分撥前往霍六聯絡皖軍  
既以固豫省東面門戶卽以防該逆抄越楚軍後路  
該大臣等務當悉心妥籌毋致顧此失彼是爲至要  
上諭內閣曰逆匪分踞霍山爲六安犄角經官軍先後  
克復辦理尙爲得手署霍山縣知縣候補府經歷縣  
丞王自翰著開復革職暫留署任處分已革副將盧  
又熊著免其治罪仍帶革職處分留營效力以觀後

效已革知府袁懷忠尙有應行查辦之案著勝保等查明再行具奏其餘在事出力員弁兵練著併入克復六安案內擇尤請獎候朕施恩

勝保翁同書又奏言三月二十八日浦口粵逆分股由水口集撲至六合北面之竹鎮距天長甚近馬步賊匪約三四萬人勢甚猖獗我軍寡不敵衆退紮汭澗並訊據賊洪逆首僞令糾集

浦口等處大股勢欲繞犯淮揚等語查逆蹤飄忽或援救六合或竄犯天盱皆未可定設使皖東稍有疏失無論北突南奔關繫均屬緊要臣聞報後卽將攻勦懷城事宜稍爲布置卽日折回池河明光一帶相機督軍迎勦至李世忠浦口一軍業於三月二十七日帶隊回滁臣當察看情形何路喫重卽調赴何路隨同攻勦以資

得力惟皖北賊勢衆多 臣營馬隊不過四百餘  
名以當大股狂寇實屬太單業由 臣飛咨傅振  
邦迅卽酌撥馬隊四百名徑由泗州渡河直赴  
盱眙聽候調遣以爲移緩就急之計奏入

上是之

初十日

庚戌

耆齡奏言安徽婺源縣城克復後敗

匪竄至建德縣入城盤踞分股出擾逼近鄱陽

彭澤二縣邊境其鄱陽隘口經臣飭令饒州府知府吳秉衡等派勇防守彭澤隘口經九江鎮總兵普承堯等率寶勇八營分駐青山橋山石嶺知府劉騰鶴率隊駐紮牛牯嶺扼要嚴防普承堯探知賊匪屬聚桃樹店卽於二月十九日與普承忠率營進剿齊至黎痕地方僞檢點賴逆陳逆率黨六千餘人拒敵普承忠與各營官

縱馬衝入賊陣斬賊十餘人士卒鼓譟從之賊  
衆潰敗普承堯督隊掩殺斃賊二百餘人生擒  
二名二十日知府劉騰鶴率湘後營進攻玉恆  
橋之賊令蕭品元等堵截梅山嶺賊匪來路逆  
衆齊山拒戰劉騰鶴督勇施放劈山礮殪執旗  
悍賊一名賊陣腳已動我軍乘之賊遂潰奔追  
至湖邊殺賊甚夥是役共斃賊二百餘人生擒

賊目殷明篤等五名奪獲器械一百六十餘件  
二十八日劉騰鶴與賀連璧等直搗雲風嶺各  
卡逆衆併入賊巢勢甚兇狂我軍用劈山礮連  
環轟擊殲斃數騎賊勢潰奔我軍奮勇直前連  
破賊壘二座殺賊無算追至建德縣三里街賊  
巢詎賊礮擊中後隊火藥桶登時轟發賊乘隙  
包抄劉騰鶴督勇力戰陣亡傷亡弁勇三百三



十餘名普承堯一軍行至陳家隴賊匪棄卡而逃普承堯卽暫住卡內二十八日進攻正坑鋪卡賊衆四千餘人扼戰普承忠劉光明等兩路包抄團勇亦隨同策應斬首二百十餘級生擒三十餘名乘勢攻入官港賊卡卽於是夜潛襲小梅鋪賊卡該逆匿不出戰普承堯等派勇繞出卡後焚其草棚該逆倉猝往援普承忠與各

營官突入賊卡普承堯乘勢衝進殺賊三十餘人焚斃百餘人餘匪逃往黃柏鋪三月初一日普承堯督隊進攻賊望風而逃退匿建城我軍卽駐黃柏鋪適聞雲風嶺挫敗飛調小池口寶勇二營移紮彭澤牛牯嶺杜賊竄越普承忠卽率各營進攻建德縣城屢獲勝仗生擒賊首僞總制姜細貞正法初六十二等日我軍兩次進

攻賊扼守卡隘堅伏不出旋經張芾派副將王  
夢麟率徽郡防兵助勦該逆由三里街出敵先  
以馬隊來衝我軍火器齊施當將賊馬擊散連  
破賊壘三座逆眾築壘河橋拌死相抗直至日  
暮始行收隊共斃賊六百餘人查點弁勇亦有  
傷亡伏查婺源竄出大股逆匪盤踞建德與景  
德蕪湖等處聲氣相通其竄徧鄱陽彭澤邊界

意在抄襲饒郡官軍後路以解景德鎮之圍總  
兵普承堯率勇攻勦雖屢次獲勝並有徽郡兵  
勇協助但下游逆匪甚衆難保不勾結來援現  
諄囑該總兵穩紮老營堵剿兼施務期策操全  
勝相機攻取保衛邊疆卽選知府劉騰鶴力戰  
陣亡殊堪悼惜仰懇

天恩飭部照道員例從優議卹其同時陣亡各員弁均

請照例從優議卹奏入

上諭內閣曰婺源敗匪自竄踞建德後擾及彭澤縣境  
經總兵普承堯飭副將普承忠等分路進剿殺賊甚  
夥連破賊卡卽率各營進攻建德縣城斃賊尤衆生  
擒僞總制姜細真正法餘匪大敗狂奔入城適張芾  
所派副將王夢麟率兵合剿復破賊壘數座共斃賊  
六百餘名勦辦尚屬得手所有此次陣亡之卽選知

府羽歸鶴力戰捐軀殊堪憫惜著交部照道員例從  
優議卹其同時陣亡之都司曾昭仁守備李錫福蕭  
升高童明俊千總張福元王學之謝金山周光閣鄧  
春福王榮華劉盛才黃玉連謝瑞祥把總蕭東漢彭  
篤峯彭旺興江林祥彭勝友谷世德譚維行李興發  
廖得勝許尙友戴方元曾榮桂趙德勝蕭正珊外委  
賀忠信黃定國謝泰山周旺日劉楚福曾儀式黃天

錫書東海會鼎高曾華峯姚興立曾勝高傅長發陳  
明玉嘉明發潘成德陳鳳鰲額外傅竹階均著從優  
議卹以慰忠魂

者齡又奏言二月十三至二十八等日景德鎮  
大股逆匪屢出擄糧經道員劉于濱督率江軍  
各營迎擊屢有斬擒劉于濱以賊屢次被創必  
將乘夜來犯豫飭各營準備二十九日五鼓賊

果大至李逢春率勇直衝賊陣該逆詐敗李逢春及其子李廷棟策馬追逐伏賊齊起我軍勢不能支經蔡康業黃名揚派隊援應劉于道親督各營飛馬踵至令營官熊克勝等率隊渡河大呼衝殺李逢春等亦回馬力擊鏖戰四時賊不稍卻迨一黃衣賊渠中槍落馬賊陣始亂李廷棟等乘勢掩擊賊乃大敗殲斃數百人水師



礮船沿河轟擊斃賊亦夥是月初旬鎮賊分股  
四五千入往浮梁北鄉而去江楚各軍約期乘  
虛夾攻賊巢十三日張運蘭派營分路前進並  
令各營列陣匡角等隘以備策應我軍逼近鎮  
市焚賊望臺並賊屋一所賊分路出拒接戰數  
時斃賊四百餘人拆毀西瓜州賊築礮臺賊堅  
匿不出追我軍收隊賊乃分路來追飛划礮船

於河心排礮轟擊斃賊數十人陸隊掉旗回擊  
又殺賊十餘人生擒僞指揮吳大吉等十二名  
餘匪悉遁回鎮伏查景德鎮逆匪恃險負固我  
軍雖屢獲勝仗未能遽搗巢穴探聞賊糧將盡  
該逆時出擄掠現飭水陸各營並府縣各員認  
眞防堵以期斷絕盜糧其由浙江調回之參將  
文瑞一軍及長左仁右等營均已抵饒兵力較

學乃令劉于瀉張運蘭等隨時激勵合力進攻  
收復鎮市奏入報

同日鄭魁士奏言現在景德婺源潰匪竄併貴  
建分踞青銅嘯聚九龍廟一帶遙藉峨橋石碓  
爲犄角於工山坊章村空塘橋等處肆行焚掠  
直徧南陵城垣幸仗

天威屢次獲勝大挫兇鋒惟南陵攻勦喫緊則峨橋石  
碗各逆或遙相援應或聲東擊西南軍僅五六  
千名實有顧此失彼之勢此西路喫重之情形  
也嶺防爲涇太往來要衝萬級黃柏青石白沙  
各嶺與青陽踞賊相距匪遙綿亙數十餘里去  
涇縣暨三里店各百餘里甯防二百餘里兵勇  
僅二千餘名分布各隘僅一二百名三四百名

不等趕緊設法聯絡團練或可藉衆志以成城  
儻青陽之賊稍增卽燎原之勢立見此西南路  
之情形也灣黃爲甯郡屏蔽偪近當燕北岸敗  
匪大股竄來上泗渡護駕墩官圩大龍口青山  
亭頭一帶共添逆衆萬餘偪近黃池而峨橋石  
碗竄賊更多又爲灣沚腹背受敵此北路喫重  
之情形也溇壩爲蘇常門戶廣建爲杭湖鎖鑰

而塘溝烏溪雁翅陡門及楊泗渡裘公渡各口  
又爲涇壩廣建險要值此浦逆大股南竄勢必  
力圖復逞各守隘節節空虛儻再肆猖獗蘇杭  
豈能安枕此東路情形尤可慮也查現在甯軍  
將及二萬分守數百里之遙實係不敷而賊逆  
每以數萬併攻一處各防兵少何以禦侮臣盡  
心籌畫必須稍添兵勇方足以資攻剿而增兵

卽須籌餉伏祈

皇上天恩飭下胡興仁月籌餉銀十四五萬兩按期撥  
解毋任遲延俾臣激勵衆心踴躍從事奏入

上命軍機大臣傳諭胡興仁曰前因甯國需餉甚急諭  
令胡興仁按月籌解銀十四五萬兩迅卽解往現在  
甯防各路俱形喫重總因兵力單薄不能迅速殲賊  
自應酌添兵數力籌餉需著胡興仁仍遵照前有按

月湊足銀十四五萬兩剋期解赴甯防毋稍遲誤